

四庫全書

經部

欽定四庫全書

經部

周禮述註卷十九

詳校官監察御史

臣

施朝幹

刑部郎中

許兆椿覆勘

總校官進士

臣

朱

鈐

校對官員外郎

臣

張慎和

謄錄監生

臣

王家賓

欽定四庫全書

周禮述註卷十九

安溪李光坡撰

○大僕掌正王之服位出入王之大命

註曰服王舉動所當衣也位立處也出大命王之教

也入大命羣臣所奏行

○掌諸侯之復逆

註曰鄭司農云復謂奏事也逆謂受下奏

王視朝則前正位而退入亦如之

註曰前正位而退道王王既立退居路門左待朝畢
疏曰入亦如之王退入路寢聽事時亦前正王位
卻位立也

建路鼓于大寢之門外而掌其政

註曰大寢路寢也其門外則內朝之中如今宮殿端
門下矣政鼓節與早晏 疏曰此鼓所用或擊之以
聲早晏或有窮遽者擊之以聲寃枉故建之正朝之

所

○以待達窮者與遽令聞鼓聲則速逆御僕與御庶子
註曰鄭司農云窮謂窮冤失職則來擊此鼓以達於
王若今時上變事擊鼓矣遽傳也若今時驛馬軍書
當急聞者亦擊此鼓玄謂達窮者謂司寇之屬朝士
掌以肺石達窮民聽其辭以告於王遽令郵驛上下
程品御僕御庶子直事鼓所者大僕聞鼓聲則速逆
此二官當受其事以聞疏曰御庶子者御僕有下

士十二人分之為御庶子總名曰御僕也 傳張戀

反郵音尤

祭祀賓客喪紀正王之服位詔灋儀贊王牲事

註曰詔告也牲事殺割七載之屬 王光遠曰灋見於度數者儀見於動容者皆大僕以言告之

○王出入則自左馭而前驅

註曰前驅如今道引也道而居左自馭不參乘辟王也亦有車右焉 疏曰王出入者謂朝覲會同并凡

祭祀巡守征伐皆是 辟音避

凡軍旅田役贊王鼓

疏曰軍旅田役王執路鼓路鼓四面將居鼓下則前面不得擊之惟有三面王自擊其一大僕佐擊一面戎右擊一面故二官皆言贊王鼓

○救日月亦如之

註曰日月食時春秋傳曰非日月之眚不鼓 疏曰日食陰侵陽當與鼓神祀同用雷鼓月食當用靈鼓

大喪始崩戒鼓傳達于四方窆亦如之

註曰戒鼓擊鼓以警衆也鄭司農云窆謂葬下棺也春秋傳所謂日中而塋禮記謂之封皆葬下棺也音相似窆讀如慶封汜祭之汜疏曰傳達于四方謂以鼓聲相傳聞達四方

○縣喪首服之灋于宮門

註曰首服之灋謂免髮笄總廣狹長短之數縣具書于宮門示四方疏曰案小宗伯云縣哀冠之式彼

云冠專據男子云衰則兼婦人此云首服明無衰與
男子冠直是婦人首服小宗伯云縣于路門此宮門
亦路門也

○掌三公孤卿之弔勞

註曰王使往 疏曰此等皆王合親往或有故故使
大僕也 寔彼驗反註之封音壩補鄧反汜與汎同
免音問 鑿莊瓜反

王燕飲則相其灋

註曰相左右 疏曰此燕飲謂與諸侯燕或與羣臣
燕皆是其灋有主獻賓賓酢主主酬賓洗爵升降之
灋皆相助之

王射則贊弓矢

註曰贊謂授之受之 疏曰此謂大射也知者見小
臣職曰賓射掌事如大僕之灋則知大射此大僕所
掌者是也

王眡燕朝則正位掌擯相

註曰燕朝朝於路寢之庭王圖宗人之嘉事則燕朝

王光遠曰擯則相賓相則助王皆大僕掌之

王不眠朝則辭於三公及孤卿

註曰辭謂以王不眠朝之意告之春秋傳曰公有疾

不眠朔

○小臣掌王之小命詔相王之小灋儀

註曰小命時事所勅問也小灋儀趨行拱揖之容

○掌三公及孤卿之復逆

疏曰不見大夫士者孤卿中兼之矣

正王之燕服位

註曰謂燕居時也玉藻曰王卒食玄端而居

○王之燕出入則前驅

註曰燕出入若今游於諸觀苑

大祭祀朝覲沃王盥

疏曰大祭祀天地宗廟皆是王龜齡曰鬱人云凡

裸事沃盥此云大祭祀朝覲沃王盥者盖大饗不入

牲其他皆如祭祀九獻七獻五獻皆須盥也鬱人之沃盥但於裸獻事耳其朝踐饋獻卒食之獻所以沃盥者小臣也

小祭祀賓客饗食賓射掌事如大僕之灋

註曰賓射與諸侯來朝者射

○掌士大夫之弔勞凡大事佐大僕

○祭僕掌受命于王以眡祭祀而警戒祭祀有司糾百官之戒具

註曰謂王有故不親祭也祭祀有司有事於祭祀者
糾謂校錄所當供之牲物

○既祭帥羣有司而反命以王命勞之誅其不敬者
大喪復于小廟

註曰小廟高祖以下也始祖曰大廟春秋僖八年秋
七月禘于大廟 疏曰此祭僕復小廟夏采復大廟
下隸僕復小寢大寢其二祧不言復亦應此祭僕復
但無寢耳

凡祭祀王之所不與則賜之禽都家亦如之

註曰王所不與同姓有先王之廟疏曰都家謂畿內三等采地則上云祭祀是畿外同姓魯衛之屬者也

凡祭祀致福者展而受之

註曰臣有祭祀必致祭肉於君所謂歸胙也展謂錄視其牲體數體數者大牢則以牛左肩臂臠折九个少牢則以羊左肩七个特牲則以豕左肩五个臠

奴報反

○御僕掌羣吏之逆及庶民之復與其弔勞

註曰羣吏府史以下 坡謂羣吏庶民王亦有弔勞者蓋死於王事則有弔力於師役則有勞與

大祭祀相盥而登

註曰相盥者謂奉樂授巾與登謂為王登牲體於俎特牲饋食禮主人降盥出舉入乃七載

大喪持翼

註曰翼棺飾也持之者夾蜃車

掌王之燕令

註曰燕居時之令

以序守路鼓

註曰序更

○隸僕掌五寢之埽除糞洒之事

註曰五寢五廟之寢也周天子七廟惟祧無寢詩云

寢廟繹繹相連貌也前曰廟後曰寢汜埽曰埽埽席

前曰拚洒灑也鄭司農云洒當為灑 汜音汎拚音

奮灑所買反

祭祀脩寢

註曰於廟祭寢或有事焉月令凡新物先薦寢廟

○王行洗乘石

註曰鄭司農云乘石王所登上車之石也

掌蹕宮中之事

註曰宮中有事則蹕鄭司農云蹕謂止行者清道若

今時倣蹕 坡謂宮中之事祭事也詳見冢宰宮正大喪復于小寢大寢

註曰小寢高祖以下廟之寢也始祖曰大寢

○弁師掌王之五冕皆玄冕朱裏延紐

註曰冕服有六而言五冕者大裘之冕蓋無旒不聯數也延冕之覆在上是以名焉紐小異在武上笄所貫也今時冠卷當簪者廣袤以冠縫其舊象焉 疏曰古者績麻三十升布染之上以玄下以朱延者以

版廣八寸長尺六寸以此上玄下朱衣之覆在冕上以爵弁前後平則得弁稱冕則前低一寸餘得冕名冕則俛也紐綴於冕兩傍垂之武傍孔相當以笄貫之陸農師曰大裘襲裘則戴冕纁十有二旒大裘與袞同一冕故服六而冕五

○五采纁十有二就皆五采玉十有二玉笄朱紱

註曰纁雜文之名也合五采絲為之繩垂於延之前後各十二所謂遽延也就成也繩之每一帀而貫五

采玉十有二旂則十二玉也每就間蓋一寸朱紃以
朱組為紃也紃一條屬兩端於武纁不言皆有不皆
者此為袞衣之冕十二旂則用玉二百八十八鶩衣
之冕纁九旂用玉二百一十六毳衣之冕七旂用玉
百六十八希衣之冕五旂用玉百二十玄衣之冕三
旂用玉七十二 纁音藻數所主反卷起全反袞音
茂纁所買反旂音留鶩必減反

諸侯之纁旂九就璠玉三采其餘如王之事纁旂皆就

玉璊玉笋

註曰侯當為公字之誤也三采朱白蒼也其餘謂延
紐皆玄覆朱裏與王同也出此則異纁旂皆就皆三
采也每纁九成則九旒也公之冕用玉百六十二玉
璊塞目者故書璊作璊鄭司農云纁當為藻纁古字
也藻今字也同物同音璊惡玉名 疏曰上王冕纁
玉別文則纁有差降玉無差降此諸公纁玉同文則
惟有一冕而已故鄭計一冕為九旒旒各九玉據冕

九旒不別計驚冕已下以其一冕而已冠五服故也
已下侯伯子男亦皆一冕冠數服也王不言玉璫於
此言之者王與諸侯互見為義 璫本又作珉亡貧
反璫吐練反璫音无

王之皮弁會五采玉璫象邸玉笄

註曰會縫也綦結也皮弁之縫中每貫結五采玉十
二以為飾謂之綦詩云會弁如星又曰其弁維綦是
也邸下抵也以象骨為之 徐氏曰皮弁以皮六方

縫之邸抵也謂弁內上頂輳處以象骨飾之 易彥
祥曰王之吉服其弁三皮弁用之於眡朝韋弁用之
於兵事冠弁用之於田獵兵田之弁有時而用之者
也皮弁眡朝則日眡朝之禮其用數矣此所以特言
皮弁之制

○王之弁經弁而加環經

註曰弁經王弔所服也其弁如爵弁而素所謂素冠
也而加環經環經者大如總之麻經纏而不糾司服

職曰凡弔事弁絰服 會古外反璫音其郎丁禮反

綦音其抵音帝

諸侯及孤卿大夫之冕常弁皮弁弁絰各以其等為之
而掌其禁令

註曰各以其等纁旂玉璫如其命數也冕則侯伯纁
七就用玉九十八子男纁五就用玉五十纁玉皆三
采孤纁四就用玉三十二三命之卿纁三就用玉十
八再命之大夫纁再就用玉八纁玉皆朱綠韋弁皮

弁則侯伯璫飾七子男璫飾五玉亦三采孤則璫飾
四三命之卿璫飾三再命之大夫璫飾二玉亦二采
弁經之弁其辟積如冕纁之就然庶人弔者素委貌
一命之大夫冕而無旒士變冕為爵弁其韋弁皮弁
之會無結飾弁經之弁不辟積禁令者不得相僭踰
也王藻曰君未有命不敢即乘服不言冠弁冠弁兼
於韋弁皮弁矣不言服弁服弁自天子以下無飾無
等疏曰上天子與公不言韋弁此言之亦是互見

之義各以其等為之不言爵而言等則依命數矣爵
弁制如冕但無旒為異則無旒之冕亦與爵冕不殊
得謂冕者亦前低一寸餘故得冕名 辟必亦反

○司甲 闕

○司兵掌五兵五盾各辨其物與其等以待軍事

註曰五盾干櫓之屬其名未盡聞也等謂功沽上下
鄭司農云五兵者戈殳戟酋矛夷矛

及授兵從司馬之灋以頒之及其受兵輸亦如之及其

用兵亦如之

註曰從司馬之灋令師旅卒兩人數所用多少也兵
輸謂師還有司還兵也用兵謂出給衛守陳及之
曰周制甸出革車一乘凡兵甲盾戈旗物鼓鐸悉備
焉在農則四時田獵合其卒伍治其徒役簡其兵器
與夫旗物鼓鐸一一治之其調發則各以其具行此
所頒者頒諸卿大夫士從軍旅會同者也

祭祀授舞者兵

註曰授以朱干玉戚之屬 疏曰案此則春官司干所授者又是羽籥之等非干戚可知也

大喪獻五兵

註曰獻興也興作明器之役器五兵也士喪禮下篇有甲冑干笄 笄側白反

軍事建車之五兵會同亦如之

註曰車之五兵鄭司農所云者是也步卒之五兵則無夷矛而有弓矢 疏曰凡器在車皆有鐵器屈之

在車較及輿以兵插而建之故有出先刃入後刃之
事 插測洽反

○司戈盾掌戈盾之物而頒之

註曰分與授用

祭祀授旅賁父故士戈盾授舞者兵亦如之

註曰亦頒之也故士王族故士也與旅賁當事則衛

王也父如杖長尋有四尺 王光遠曰旅賁氏執戈

盾而趨者謂軍旅會同之時也若祭祀則執父而已

鄭剛中曰舞者執戈盾未嘗執戈所謂亦如之者亦如授故士以戈盾也

軍旅會同授貳車戈盾建乘車之戈盾授旅賁及虎士戈盾

註曰乘車王所乘車也軍旅則草路會同則金路
○及舍設藩盾行則斂之

註曰舍止也藩盾盾可以藩衛者如今之扶蘇與
疏曰天官掌舍王行止不言設藩盾者當宿衛之事

非止一重除彼檜桓車宮之外別有此藩盾之等也

○司弓矢掌六弓四弩八矢之灋辨其名物而掌其守藏與其出入

註曰灋曲直長短之數

○中春獻弓弩中秋獻矢箛

註曰箛盛矢器也以獸皮為之 坡謂弓人為弓夏

秋冬造至春被弦故弓弩中春獻之橐人職矢箛春作秋成故矢箛中秋獻之 藏才浪反中音仲箛音

服

及其頒之王弓弧弓以授射甲革楯質者夾弓庾弓以授射豸侯鳥獸者唐弓大弓以授學射者使者勞者

註曰王弧夾庾唐大六者弓異體之名也往體寡來體多曰王弧往體多來體寡曰夾庾往體來體若一曰唐大甲革革甲也春秋傳曰蹲甲而射之質正也樹楯以為射正射甲與楯試弓習武也豸侯五十步及射鳥獸皆近射也近射用弱弓則射大侯者用王

弧射參侯者用唐大矣學射者弓用中後習強弱則易也使者勞者弓亦用中遠近可也勞者勤勞王事若晉文侯文公受王弓矢之賜者

○其矢箛皆從其弓

註曰從弓數也每弓者一箛百矢

○凡弩夾庾利攻守唐大利車戰野戰

註曰攻城壘者與其自守者相迫近弱弩發疾也車戰野戰進退非強則不及弩無王弧王弧恒服弦往

體少者使矢不疾 疏曰弓用則服弦不用則弛惟
弩則用與不用一張之後竟不弛故恒服弦用弱者
以其強弓久不弛則就弦弱則隨體不就弦也 堪
張林反夾古洽反庾師儒相傳讀庾本或作庚豸音
岸使者所吏反參素感反

凡矢枉矢絜矢利火射用諸守城車戰殺矢鏃矢用諸
近射田獵矰矢第矢用諸弋射恒矢痺矢用諸散射

註曰此八矢者弓弩各有四焉枉矢殺矢矰矢恒矢

弓所用也絜矢鏃矢箠矢弩所用也枉矢者取名變星飛行有光今之飛矛是也或謂之兵矢絜矢象馬二者皆可結火以射敵守城車戰前於重後微輕行疾也殺矢言中則死鏃矢象馬鏃之言侯也二者皆可以司候射敵之近者及禽獸前尤重中深而不可遠也結繳於矢謂之矰矰高也箠矢象馬箠之言制也二者皆可以弋飛鳥制羅之也前於重又微輕行不低也詩云弋鳬與鴈恒矢安居之矢也箠矢

象馬二者皆可以散射也。謂禮射及習射也。前後訂其行平也。凡矢之制枉矢之屬五分二在前三在後殺矢之屬三分一在前二在後。矰矢之屬七分三在前四在後。恒矢之屬軒輅中所謂志也。王龜齡曰

上文云四弩用於攻守與戰。此枉矢繫矢用諸守城車戰。是以二矢而當四弩之用。明矣。二矢既當四弩其餘六矢當六弓之用。豈不曉然。經曰王弧以授射甲革楯質者甲革楯質軍射也。殺矢矰矢用於田獵。

之射也田獵所以治兵講武則軍射田射一事也故
考工記矢人之兵矢田矢亦同其制則以此二矢而
當二弓明矣經曰夾庾以授射豳侯鳥獸者今增矢
弗矢用諸弋射則此二矢而當二弓明矣唐大授學
射者使者勞者即散射也今恒矢痺矢用於散射則
此二矢而當二弓明矣 絜苦結反鏃音候增音增
第扶弗反痺必二反繳音酌刺孚物反輶定周反
天子之弓合九而成規諸侯合七而成規大夫合五而

成規士合三而成規句者謂之弊弓

註曰體往來之衰也往體寡來體多則合多往體多

來體寡則合少而圜弊猶惡也句者惡則直者善矣

疏曰此皆據角弓反張不被弦而合之句音鈞

凡祭祀共射牲之弓矢

註曰射牲示親殺也殺牲非尊者所親惟射為可國

語曰禘郊之事天子必自射其牲疏曰言凡語廣

則天地宗廟皆有射牲之事

○澤共射椹質之弓矢

註曰鄭司農云澤澤宮也所以習射選士之處也射義曰天子將祭必先習射於澤澤者所以擇士也已射於澤而後射於射宮射中者得與於祭

大射燕射共弓矢如數并夾

註曰如數如當射者之數也每人一弓乘矢并夾矢
籥也 夾音甲籥音聶

大喪共明弓矢

註曰弓天明器之用器也士喪禮下篇曰用器弓矢

凡師役會同頒弓弩各以其物從授兵甲之儀

註曰物弓弩矢箠之屬 王光遠曰從授兵甲之儀

凡頒弓弩其多寡之數一視兵甲之儀而已

田戈充籠箠矢共矰矢

註曰籠竹箠也矰矢不在箠者為其相繞亂將用乃

共之

凡亡矢者弗用則更

吳氏曰更償也用而棄之則不償若不用而亡之則償也

○繕人掌王之用弓弩矢箛矰弋挾拾

註曰鄭司農云挾謂引弦彊也拾謂鞬扞也玄謂挾挾矢時所以持弦飾也著右手巨指士喪禮曰挾用正王棘若擇棘則天子用象骨與鞬扞者左臂裏以韋為之疏曰此繕人所掌謂司弓矢選擇大善者入繕人以共王用也挾古穴反張苦侯反鞬古侯

反扞胡旦反著丁略反擇音宅

掌詔王射

註曰告王當射之節 疏曰王射先行燕禮以大夫
為賓賓與王為耦所告之事亦如大射禮大射正告
公之儀

○贊王弓矢之事

註曰授之受之 疏曰案大僕職已授之受之此又
贊者大僕尊大僕贊時此官助贊也

凡乘車充其籠服載其弓弩

註曰充籠服以盛矢 疏曰繕人惟主王所乘之車

而言

○既射則斂之

註曰斂藏之也詩云彤弓弘兮受言藏之 疏曰

所斂者惟據王所乘車上有弓矢者既射還斂取藏之

無會計

註曰亡敗多少不計 會古外反 昭昌遙反

○豪人掌受財于職金以齎其工

註曰齎其工者給市財用之直

○弓六物為三等弩四物亦如之

註曰三等者上中下人各有所宜弓人職曰弓長六尺六寸謂之上制上士服之弓長六尺三寸謂之中制中士服之弓長六尺謂之下制下士服之弩及矢箠長短之制未聞

○矢八物皆三等箛亦如之春獻素秋獻成

註曰矢箛春作秋成 疏曰案司弓矢弓弩各有四

矢應作四等而言三等蓋據長短為三等灋 齋音

咨

書其等以饗工

註曰鄭司農云書工功拙高下之等以制其饗食也

玄謂饗酒肴勞之也上工作上等其饗厚下工作下

等其饗薄

○乘其事試其弓弩以上下其食而誅賞

註曰鄭司農云乘計也計其事之成功也故書試為
考玄謂考之而善則上其食尤善又賞之否者反是
○乃入功于司弓矢及繕人

註曰功成

凡齎財與其出入皆在橐人以待會而攷之亡者關之
註曰皆在橐人者所齎工之財及弓弩矢箠出入其
簿書橐人藏之關猶除也弓弩矢箠棄亡者除之計

今見在者

○戎右掌戎車之兵革使

註曰使謂王使以兵有所誅斬也春秋傳曰戰於穀
晉梁弘御戎萊駒為右戰之明日襄公縛秦囚使萊
駒以戈斬之

○詔贊王鼓

註曰既告王當鼓之節又助擊之 疏曰大僕已贊
王鼓此亦同是助擊其餘面也

○傳王命于陳中

註曰為王大言之也

會同充革車

註曰會同王雖乘金路猶以革車從行也充之者謂居左也曲禮曰乘君之乘車不敢曠左

○盟則以王敦辟盟遂役之

鄭剛中曰以王敦而辟盟者奉盃以告神乃辟開盟載之書也猶大史辟灋之辟 註曰役之者傳敦盃

授當歆者

○贊牛耳桃茢

註曰鄭司農云贊牛耳春秋傳所謂執牛耳者立謂尸盟者割牛耳取五助為之及血在敦中以桃茢拂之又助之也耳者盛以珠盤尸盟者執之桃鬼所畏也茢莒帚所以掃不祥疏曰殺牲取血旁有不祥故執此桃茢於血側也敦音對辟音闕莒音條帚之受反

○齊右掌祭祀會同賓客前齊車王乘則持馬行則陪乘

註曰齊車金路王自整齊之車也前之者已駕王未乘之時陪乘參乘謂車右也齊右與齊僕同車而有祭祀之事則兼玉路之右然則戎右兼田右歟

○凡有牲事則前馬

註曰王見牲則拱而式居馬前卻行備驚奔也曲禮曰國君下宗廟式齊牛齊側皆反下齊車齊僕齊

牛同乘繩證反一音繩

○道右掌前道車王出入則持馬陪乘如齊車之儀

註曰道車象路也王行道德之車 疏曰言象據飾

為名言道據行道為稱

自車上諭命于從車詔王之車儀

疏曰禮云式視馬尾顧不過轂皆是車上威儀故須

詔之齊右不云者文不具

王式則下前馬王下則以蓋從

註曰以蓋從表尊 疏曰蓋有二種一者禦雨二者表尊此則表尊之蓋也

大馭掌馭玉路以祀及犯輶王自左馭馭下祝登受輶犯輶遂驅之

註曰行山曰輶犯之者封土為山象以菩芻棘柏為神主既祭之以車轢之而去喻無險難也春秋傳曰跋涉山川自由也王由左馭禁制馬使不行也 疏曰此據祭天之時故有犯輶之事

○及祭酌僕僕左執轡右祭兩軹祭軹乃飲

註曰杜子春云軹謂兩轂也軹常為軹軹謂車軹前也疏曰及祭酌僕者即上文將犯軹之時當祭左右轂末及軹前乃犯軹而去酌僕者使人酌酒與僕僕即大馭也大馭則左執轡右祭三處訖乃飲始轆轆而去轆蒲末反軹音止軹音犯菩音員轆音厯

轆音衛

凡馭路行以肆夏趨以采薺

註曰凡馭路謂五路也肆夏采薺樂章也行謂大寢
至路門趨謂路門至應門

○凡馭路儀以鸞和為節

註曰舒疾之灋也鸞在衡和在軾皆以金為鈴 薺
才私反

○戎僕掌馭戎車

註曰戎車革路也帥出王乘以自將

○掌王倅車之政正其服

註曰倅副也服謂衆乘戎車者之衣服 疏曰鄭註
坊記云僕右恒朝服據非在軍時若在軍則服韋弁
服

○犯輶如玉路之儀凡巡守及兵車之會亦如之

註曰如在軍 疏曰謂如其犯輶 倅七內反

掌凡戎車之儀

註曰凡戎車衆之兵車也書序曰武王戎車三百兩

易彥祥曰上文言馭戎車則王之革路此言戎車

則衆之兵車也武王戎車三百兩其進退之節不愆於六步七步不愆於四伐五伐六伐七伐乃止齊馬則戎車之儀可知至大司馬於蒐田之時亦有所謂坐作進退疾徐疏數之節戎僕所以掌其儀者此也

○齊僕掌馭金路以賓

註曰以待賓客

○朝覲宗遇饗食皆乘金路其灋儀各以其等為車送逆之節

註曰節謂王乘車迎賓客及送相去遠近之數上公九十步侯伯七十步子男五十步司儀職曰車逆拜辱又曰及出車送疏曰春夏受贄於朝無迎灋受享則有之秋冬一受之於廟受贄受享皆無迎灋今言朝覲宗遇饗食皆乘金路者謂因此朝覲宗遇而與諸侯行饗食在廟即有乘金路迎賓客之灋也

○道僕掌馭象路以朝夕燕出入其灋儀如齊車

註曰朝夕朝朝莫夕疏曰在正朝來往而言燕者

以其在宮中行事皆稱燕

○掌貳車之政令

註曰貳亦副

○田僕掌馭田路以田以鄙

註曰田路木路也田田獵也鄙循行縣鄙

○掌佐車之政

註曰佐亦副

○設驅逆之車

註曰驅驅禽使前趨獲逆衙還之使不出圍

○令獲者植旌

註曰以告獲也植樹也 鄭剛中曰山虞植虞旗澤

虞植虞旌為屬禽設此則令獲禽自植以告獲也

○及獻比禽

註曰田獒獲者各獻其禽比種物相從次數之

凡田王提馬而走諸侯晉大夫馳

註曰提猶舉也晉猶抑也使人扣而舉之抑之皆止

奔也馳放不扣 王介甫曰提節之晉進之馳則亟
進之尊者安舒卑者戚速

○馭夫掌馭貳車從車使車

王介甫曰貳車副車從車謂屬車也使車謂使者所
乘之車

○分公馬而駕治之

註曰乘調六種之馬

○校人掌王馬之政

註曰政謂差擇養乘之數也月令曰班馬政

○辨六馬之屬種馬一物戎馬一物齊馬一物道馬一物田馬一物駕馬一物

註曰種謂上善似母者以次差之玉路駕種馬戎路
駕戎馬金路駕齊馬象路駕道馬田路駕田馬駕馬
給宮中之役 王光遠曰其毛其足其力皆所謂物
也司馬灋曰宗廟齊毫尚純也田事齊足尚疾也戎
事齊力尚強也此其物不可不辨 校戶校反齊馬

側皆反

凡頒良馬而養乘之乘馬一師四圉三乘為皐皐一趣馬三皐為繫繫一馭夫六繫為廋廋一僕夫六廋成校校有左右駕馬三良馬之數麗馬一圉八麗一師八師一趣馬八趣馬一馭夫

註曰良善也善馬五路之馬鄭司農云四匹為乘養馬為圉故春秋傳曰馬有圉牛有牧玄謂二耦為乘師趣馬馭夫僕夫帥之名也趣馬下士馭夫中士則

僕夫上士也自乘至殿其數二百一十六匹易乾為馬此應乾之策也至校變為言成者明六馬各一殿而王馬小備也校有左右則良馬一種者四百三十二匹五種合二千一百六十匹駕馬三之則為千二百九十六匹五良一駕凡三千四百五十六匹然後王馬大備詩云駉牝三千此謂王馬之大數與麗耦也駕馬自圉至馭夫凡馬千二十四匹與三良馬之數不相應八皆宜為六字之誤也師十二匹趣馬七

十二匹則馭夫四百三十二匹矣然後而三之既三之無僕夫者不駕於五路卑之也 疏曰言養乘之者已下皆四四為耦是因養馬而乘習之 乘絕證反阜才早反趣倉走反繫音計廐音救駮音來

天子十有二閑馬六種邦國六閑馬四種家四閑馬二種

註曰降殺之差每廐為一閑諸侯有齊馬道馬田馬大夫有田馬各一閑其駕馬則皆分為三馬 趙高

問大夫采地四甸一甸稅又給王其餘三甸才有馬
十二匹與校人職相校甚異曰此馬皆君所制為非
謂民賦司馬灋甸有戎馬四匹長轂一乘此為民出
軍賦無與於天子國馬之數事條未理而多紛紜

○凡馬特居四之一

註曰欲其乘之性相似也物同氣則心一鄭司農云
四之一者三牝一牡 殺音曬

春祭馬祖執駒

註曰馬祖天駟也孝經說曰房為龍馬鄭司農云執駒無令近母猶攻駒也二歲曰駒三歲曰駟玄謂執猶拘也春通淫之時駒弱血氣未定為其乘匹傷之疏曰春時通淫求馬蕃息故祭馬祖

○夏祭先牧頒馬攻特

註曰先牧始養馬者其人未聞夏通淫之後攻其特為其蹄齧不可乘用鄭司農云攻特謂驟之疏曰祭先牧者夏草茂求肥充

○秋祭馬社臧僕

註曰馬社始乘馬者世本作曰相士作乘馬鄭司農云臧僕謂簡練馭者令皆善也玄謂僕馭五路之僕疏曰秋時馬肥盛可乘用故祭始乘馬者

○冬祭馬步馭馬講馭夫

註曰馬步神為災害馬者馭馬見成馬於王也馭夫馭貳車從車使車者講猶簡習 馭音肇驟音繩相息亮反

凡大祭祀朝覲會同毛馬而頒之

註曰毛馬齊其色也頒授當乘之疏曰此三者皆

須馬從王毛馬者案毛詩傳云宗廟齊毫尚純也戎
事齊力尚強也田獵齊足尚疾也爾雅亦云雖據宗
廟至於田獵軍旅既尚疾尚力亦尚色也詩云四驪
彭彭武王所乘又云四鐵孔阜秦襄公以田是齊色
不專據宗廟

○飾幣馬執扑而從之

註曰鄭司農云校人主飾之也幣馬以馬遺人當幣處者也聘禮曰馬則北面奠幣于其前士喪禮下篇曰薦馬纓三就入門北面交轡圉人夾牽之馭者執策立于馬後 扑普卜反遺惟李反

凡賓客受其幣馬

註曰賓客之幣馬來朝覲而享王者

大喪飾遣車之馬及塋埋之

註曰言埋之則是馬塗車之芻靈

田獵則帥驅逆之車

註曰帥猶將也

凡將事於四海山川則飾黃駒

註曰四海猶四方也王巡守過大山川則有殺駒以
祈沈禮與王人職有宗祝以黃金勺前馬之禮 疏
曰山川地神土色黃故用黃駒

凡國之使者共其幣馬

註曰使者所用私覲 疏曰使者王使之下聘問諸

侯者上文飾幣馬是以馬遺人灋非聘故無私覲前
賓客來朝聘不言私覲者諸侯之臣於天子不敢行
私覲故也

凡軍事物馬而頒之

註曰物馬齊其力 陳及之曰亦頒於官府共軍事
者耳不然校人六廐安能及庶民乎

等馭夫之祿

註曰馭夫於趣馬僕夫為中舉中見上下

宮中之稍食

註曰師圉府史以下也鄭司農云稍食曰廩 項平甫曰廩庫皆近王宮一云馬有養于內非也

○趣馬掌贊正良馬而齊其飲食簡其六節

註曰贊佐也佐正者謂校人臧僕講馭夫之時簡差也節猶量也差擇王馬以為六等

掌駕說之頒

註曰用馬之次第 疏曰凡用馬當均勞逸故駕說

須依次第 說音稅

辨四時之居治以聽馭夫

註曰居謂收房所處治謂執駒攻特之屬 疏曰馬

二月已前八月已後在廐二月已後八月已前在牧

故云四時也趣馬下士屬馭夫中士故云聽馭夫

房音雅後同

○巫馬掌養疾馬而乘治之相醫而藥攻馬疾受財于

校人

註曰乘謂驅步以發其疾知所疾處乃治之相助也
疏曰巫知馬祟醫知馬疾疾則以藥治之祟則辨
而祈之二者相須故巫助醫也受財者謂共祈具及
藥直

○馬死則使其賈粥之入其布于校人

註曰布泉也鄭司農云賈謂其屬官小吏賈二人粥
賣也相息亮反註同疏如字賈音古粥音育祟音
歲

○牧師掌牧地皆有厲禁而頒之

註曰頒馬授圉者所牧處 疏曰厲禁謂可牧馬之

處亦使其地之民遮護禁止不得使民輒放牛馬

○孟春焚牧

註曰焚牧地以除陳生新草也

○中春通淫

註曰中春陰陽交萬物生之時可以合馬之牝牡也

月令季春乃合累牛騰馬遊牝于牧秦時書也秦地

寒涼萬物後動

○掌其政令凡田事贊焚萊

註曰焚萊者山澤之虞 中音仲

○廋人掌十有二閑之政教以阜馬佚持教駢攻駒及祭馬祖祭閑之先牧及執駒散馬耳圉馬

註曰九者皆有政教焉阜盛壯也詩云四牡孔阜杜子春云佚當為逸鄭司農云馬三歲曰駢二歲曰駒散讀為中散大夫之散謂駘馬耳毋令善驚也玄謂

逸者用之不使甚勞安其血氣也教駢始乘習之也
攻駒驟其蹄齧者閑之先牧先牧制閑者散馬耳以
竹括押其耳頭動搖則括中物後遂串習不復驚 鄭

剛中曰攷此文二及字之義當為七事耳度人職卑
安得主馬祖之祭於校人祭馬祖之時已則祭閑之
先牧於校人命執駒之時已則散馬耳圍馬 王介
甫曰圍馬則成馬而圍之圍馬以校人執駒為節也
佚音逸聒古活反

正校人員選

註曰校人謂師圉也 王介甫曰正其員使員稱馬數正其選使選惟其能

馬八尺以上為龍七尺以上為駮六尺以上為馬

註曰大小異名爾雅曰駮北驪壯玄駒衰驂鄭司農云以月令曰駕蒼龍 王介甫曰小大異名使各從其類以待乘頒及以為種 鄭剛中曰校人不辨六馬之屬度人職卑乃於此言龍駮之尺寸何耶蓋十

二閑之廣二千五百餘匹之多馬有超然卓異藏乎其中人所不見自非主者表而出之則神駿之才逐電之足誰其知之故特於廐人言之 裏奴了反

○圉師掌教圉人養馬春除蓐釁殿始牧夏房馬冬獻馬射則充椹質茨牆則剪闔

註曰蓐馬茲也馬既出而除之新釁馬神之神也春秋傳曰凡馬日中而出日中而入房廐也廐所以庇馬涼也充猶居也茨蓋也闔苦也椹質剪闔圉人所習

也 徐氏曰椹質以木為之縛草以代侯者剉草為
苫苫之以蓋牆也 蓐音辱府五稼反茨在私反闔
戶獵反廡亡甫反縛房入聲剉于臥反苫傷占反
○ 閨人掌養馬芻牧之事以役圉師

註曰役者圉師使令馬

凡賓客喪紀牽馬而入陳

註曰賓客之馬王所以賜之者詩云雖無予之路車
乘馬喪紀之馬啟後所薦馬 疏曰雖同牽馬入陳

賓客與喪紀所陳有異賓客則在館天子使人就館而陳之若喪紀則天子將塋朝廟時在祖廟中陳設明器之時遣人薦馬及纓入廟陳之

○獻馬亦如之

註曰獻馬遣車之馬人捧之亦牽而入陳

○職方氏掌天下之圖以掌天下之地辨其邦國都鄙四夷八蠻七閩九貉五戎六狄之人民與其財用九穀六畜之數要周知其利害

註曰天下之圖如今司空輿地圖也鄭司農云東方曰夷南方曰蠻西方曰戎北方曰貉狄玄謂閩蠻之別也國語曰閩蠻蠻矣四八七九五六周之所服國數也財用泉穀貨賄也利金錫竹箭之屬害神姦鑄鼎所象百物也爾雅曰九夷八蠻六戎五狄謂之四海坡謂周知其利害者周知其山川江湖之支湊可以設險之利與要害之處也

○乃辨九州之國使同貫利

註曰貫事也 疏曰使同其事利不失其所也 鄭
剛中曰自中國以至夷狄兼舉而周知之矣乃若國
之有九州為五政之所加七賦之所養王者所治之
區域也必使貫無不同則九州共貫利無不同則四
海蒙利 閩梅巾反貉孟白反罕音弭

東南曰揚州

易彥祥曰禹貢揚州之域東距海北據淮故曰淮海
惟揚州殷人以淮入徐故揚州止謂之江南周人復

以淮入揚而循禹之舊不言淮海而曰東南者變禹貢之文也

○其山鎮曰會稽其澤數曰具區其川三江其浸五湖其利金錫竹箭其民二男五女其畜宜鳥獸其穀宜稻
註曰鎮名山安地德者也大澤曰數浸可以為陂灌
溉者錫鑛也箭篠也鳥獸孔雀鸞鵠犀象之屬

顧景范曰會稽山在浙江紹興府城東南十二里具區即太湖也亦曰震澤在江南蘇州府西南五十里

接常州府及浙江湖州府界三江一曰松江自太湖
分流出蘇州吳江縣南長橋口至嘉定縣東南四十
里吳松口入海一曰婁江亦自太湖分流經蘇州城
東至太倉州東南七十里劉家河口入海一曰東江
亦自太湖分流從吳江縣東南入浙江嘉興府境至
海鹽縣東北三十五里乍浦入海今由江南松江府
合松江入海五湖孔氏云太湖東岸五彎曰菱湖游
湖莫湖貢湖胥湖水瀰漫而灘淺者曰數窪下而鍾

水者曰浸 王介甫曰九州之序禹貢始於冀次以
兗而終於雍職方始於揚次以荆而終於并者蓋禹
貢言治水之序職方言遠近之序治水自帝都而始
然後順水性所便自下而上故自兗至雍而止以遠
近言之則周之化自北而南以南為遠故關雎鵲巢
之詩分為二南漢廣亦言文王之道被于南國德化
所及以遠為至故也始於揚州則以揚在東南次以
荆則以荆在正南終於并則以并在正北先遠而後

近也 會古外反陂彼宜反獵音獵篠素了反鷄音
交鵲音精

正南曰荊州

易彥祥曰禹貢荊及衡陽惟荊州殷之荊州南不言
衡陽循禹之舊也其北境則曰漢南以地志攷之荊
山在南郡臨沮縣即今荊門軍當陽縣之地漢水又
在其北正屬襄陽言漢南則殷之荊州實跨荊山之
北至周復以荊門之北屬豫復禹封域以荊及衡陽

為荊州荊山即南條衡山即南嶽皆在正南之地故
曰正南

○其山鎮曰衡山其澤藪曰雲薈其川江漢其浸潁湛
其利丹銀齒草其民一男二女其畜宜鳥獸其穀宜稻

註曰潁出陽城宜屬豫州在此非也齒象齒也革犀
兕革也杜子春云湛或為淮 顧景范曰衡山在湖

廣衡州府衡山縣西三十里雲薈在湖廣德安府城
南五十里江水發原四川成都府茂州西北之岷山

歷梁荆揚三州之域至今江南揚州府海門縣東入
海漢水發原于陝西漢中府沔縣西嶠冢山至湖廣
漢陽府城東北入大江潁水發原河南府登封縣東
陽乾山至江南鳳陽府潁州潁上縣界入淮湛未詳今河
南汝州境內有湛水二水本在禹貢豫州之域 曹
鳴鳳反湛直減反

河南曰豫州

易彥祥曰禹貢荆河惟豫州其封在大河之南南條

荆山之北故曰荆河殷之豫州則南境距漢北境接河故曰河南周人於豫州亦曰河南而南境則仍禹貢之舊不曰荆河五丈以見也

○其山鎮曰華山其澤藪曰圃田其川滎雒其浸波澰其利林漆絲枲其民二男三女其畜宜六擾其穀宜五種

註曰波讀為播禹貢曰滎播既都春秋傳曰楚子除道梁澰營軍臨隨則澰宜屬荊州在此非也林竹木

也六擾馬牛羊豕犬雞五種黍稷菽麥稻 顧景范

曰華山在陝西西安府華州華陰縣南十里園田在

開封府中牟縣西北七里滎滎澤也今開封府鄭州

滎澤縣是洛水出陝西西安府商州南冢嶺山至河

南府鞏縣北入河波水通典云出歇馬嶺在今汝州

魯山縣西北澁水通典云出黃山在今湖廣襄陽府

棗陽縣東北 滎戶局反澁音詐播音波都張魚反

正東曰青州

易彥祥曰禹貢有青有兗有徐殷并青於徐而徐兼揚州之淮故江南曰揚州周復以淮歸揚而并徐於青正在畿東故曰正東

○其山鎮曰沂山其澤藪曰望諸其川淮泗其浸沂沭其利蒲魚其民二男二女其畜宜雞狗其穀宜稻麥

註曰二男二女數等似誤也蓋當與兗州同二男三女鄭司農云淮或為睢沭或為洙 顧景范曰沂山

在青州府臨朐縣南百五十里孟豬在河南歸德府

虞城縣禹貢屬豫州淮水發原河南南陽府唐縣東南桐柏山至江南淮安府安東縣東北入海泗水出兗州府泗水縣東陪尾山至江南淮安府清河縣南入淮今名南清河沂水出青州府莒州沂水縣西北雕崖山至淮安府邳州南入泗沫水出臨朐縣沂山至淮安府安東縣西入淮 沫音述朐音劬崖音崖

河東曰兗州

易彥祥曰夏殷皆言濟河惟兗州謂東河之東濟水

之北也周人以青蕪徐而兗州又得越乎濟之東南
故徐之岱山職方以為兗之所鎮徐之大野職方以
為兗之澤數是也故曰河東

○其山鎮曰岱山其澤數曰大野其川河汭其浸盧維
其利蒲魚其民二男三女其畜宜六擾其穀宜四種

註曰盧維當為雷雍字之誤也禹貢曰雷夏既澤雍
沮會同雷夏在城陽四種黍稷稻麥 顧景范曰岱

泰山也在濟南府泰安州北五里大野在兗州府濟

寧州鉅野縣東五里河從西域崑崙山至陝西西寧
衛積石山乃入中國歷雅豫冀兗四州之域東北入
海今從東南合淮入海濟水發原河南懷慶府濟源
縣西王屋山至山東濟南府濱州利津縣東入海亦
曰大清河廬水在濟南府長清縣西廢盧縣境濰水
出青州府莒州西北箕屋山至萊州府濰縣東北入
海禹貢屬青州 牙子禮反沮七餘反

正西曰雍州

易彥祥曰禹貢有雍有梁故梁為正西而雍為西北
殷周皆省梁入雍故雍州為正西

○其山鎮曰嶽山其澤數曰弦蒲其川涇汭其浸渭洛
其利玉石其民三男二女其畜宜牛馬其穀宜黍稷

註曰鄭司農云弦或為汧蒲或為浦 顧景范曰嶽

山在陝西鳳翔府隴州南百四十里弦蒲在隴州西
四十里涇水出陝西平涼府城西南筭頭山至西安
府高陵縣西南入渭汭水出弦蒲數東北歷平涼府

境至西安府邠州長武縣而合于涇渭水出陝西臨
洮府渭原縣西鳥鼠山至西安府華州華陰縣北入
大河洛水出慶陽府城東北廢洛原縣南流合漆沮
二水至西安府同州朝邑縣南而入渭通典曰洛即
漆沮也 汭如銳反汭口千反

東北曰幽州

易彥祥曰舜十二州本有幽州水土既平以冀為帝
都省幽入冀殷人南都河南之亳復舜幽州之名周

人又以幽州蓆殷之營州實禹貢青州隔海東北之境故曰東北

○其山鎮曰醫無閭其澤藪曰獫狁其川河沂其浸菑時其利魚鹽其民一男三女其畜宜四擾其穀宜三種
註曰四擾馬牛羊豕三種黍稷稻杜子春讀獫狁為奚

顧景范曰醫無閭山在遼東廣寧衛西五里獫狁在山東登州府萊陽縣在禹貢屬青州菑水在濟南府淄川縣東南七十里時水在青州府臨淄縣西二十

五里 易彥祥曰經於兗州言其川河汴蓋兗州北
距河而南據汴禹貢言濟河惟兗州則惟兗州之川
宜也幽州遠在東北於河汴何與蓋幽州雖跨有遼
水為東北而實西南越海兼有青州之東北境所以
琅琊郡之縣養澤泰山郡之淄水千乘郡之時水皆
在幽州之域光武十三年以遼東屬青州二十四年
還屬幽州是知幽州實可以有青州王瓚張揖云九
河陷海中是九河未陷之前凡登萊海岸及瀕滄二

州之東境皆在幽州之地與兗州東西分界故其川
同於河汴 獫音兮菑禹貢作淄

河內曰冀州

易彥祥曰舜十有二州有幽有并
有冀水土既平之後以冀為堯都
省十有二州之幽并入焉以餘州
準之則知禹貢冀州東西南之三面
距河南而北境則越平常山今之
燕雲營平諸州皆其地也殷人復
以冀州北境復舜之幽州而東西南
皆禹迹之舊蓋東

河之西西河之東南河之北也故曰兩河間周人又分冀而復舜之并州故曰河內而已

○其山鎮曰霍山其澤藪曰楊紆其川漳其浸汾潞其利松柏其民五男三女其畜宜牛羊其穀宜黍稷

顧景范曰霍山在今山西平陽府霍州東南三十里爾雅秦有楊紆未詳漳水有二濁漳出山西潞安府長子縣西發鳩山清漳出太原府平定州樂平縣西南少山至河南彰德府臨漳縣西合焉其下流復分

為二或從直隸河間府獻縣合滹沱河或從山東東
昌府館陶縣合衛河汾水出太原府靜樂縣北管涔
山至平陽府蒲州榮河縣西入太河潞水閼駟曰即
濁漳水也今潞安府城西南二十里濁漳經焉土人
猶呼為潞水通典曰潞河在密雲縣即今順天府境
內之白河也 滹喚胡反沱唐何反涿鋤林反

正北曰并州

易彥祥曰舜有并州禹貢以并入冀州殷因之周復

分冀復舜并州以天下之勢言之冀州在西河之東雍州在西河之西并州介乎雍冀之間故曰正北

○其山鎮曰恆山其澤數曰昭餘祁其川虜池嘔夷其浸洌易其利布帛其民二男三女其畜宜五擾其穀宜五種

註曰五擾馬牛羊犬豕五種黍稷菽麥稻也凡九州及山鎮澤數言曰者以其非一曰其大者耳此州界揚荆豫兗雍冀與禹貢畧同青州則徐州地也幽并

則青冀之北也無徐梁 顧景范曰恆山在直隸真
定府定州曲陽縣西北百四十里昭餘祁在太原府
祈縣東七里虜沱水出太原代州繁峙縣東北秦戲
山至直隸河間府靜海縣北小直沽入海嘔夷水出
山西大同府蔚州靈丘縣西北高是山一名唐河至
直隸保定府安州北合于易水涑水在保定府易州
涑水縣東北三十里亦名北易水易水在保定府安
州城北亦名南易水 李氏曰禹貢無幽并職方無

梁徐蓋周合梁徐于雍青分冀野為幽并攷工記言天下之大勢兩山之間必有川焉兩川之間必有涂焉廣谷大川風俗之所以分攷推其高且大者先正之然後九州可別如大山定而山之西為兗大河定而河之南為豫此分畫之要也 陳氏曰九州山川澤數名在職方不屬諸侯之版觀詩不以圃田係鄭春秋不以沙麓係晉畧可觀矣周季諸侯始擅不勝之利齊幹山海而桃林之塞郇瑕之地晉實私之此

諸侯所以僭侈王室所以衰微也 并卑盈反虜喚

胡反池徒多反嘔焉侯反盼頌同塞音賽

乃辨九服之邦國方千里曰王畿其外方五百里曰侯
服又其外方五百里曰甸服又其外方五百里曰男服
又其外方五百里曰采服又其外方五百里曰衛服又
其外方五百里曰蠻服又其外方五百里曰夷服又其
外方五百里曰鎮服又其外方五里曰藩服

註曰服事天子也詩云侯服于周

凡邦國千里封公以方五百里則四公方四百里則六侯方三百里則七伯方二百里則二十五子方百里則百男以周知天下

註曰以此率徧知四海九州邦國多少之數也方千里者為方百里者百以方三百里之積以九約之得十一有奇云七伯者字之誤也周九州之界方七千里七七四十九方千里者四十九其一為畿內餘四十八八州各有方千里者六周公變殷湯之制雖小

國地皆方百里是每事言則者設灋也設灋者以待
有功而大其封一州之中以其千里封公則可四又
以其千里封侯則可六又以其千里封伯則可十一
又以其千里封子則可二十五又以其千里封男則
可百公侯伯子男亦不是過也州二百一十國以男
備其數焉其餘以為附庸四海之封黜陟之功亦如
之雖有大國爵稱子而已鄭司農云此制亦見大司
徒職 坡謂此九灋所謂制畿封國以正邦國也有

公侯伯子男之異爵則設儀辨位以等邦國亦在中焉

凡邦國小大相維

註曰大國比小國小國事大國各有屬相維聯也

疏曰王制云五國以為屬屬有長十國以為連連有帥三十國以為卒卒有正二百一十國以為州州有伯彼雖是殷制亦可證各有屬相維聯之意

○王設其牧

註曰選諸侯之賢者為牧使牧理之 坡謂此與上
節即九濫所謂建牧立監以維邦國也而比小事大
以和邦國亦在其中焉 比毗志反

制其職各以其所能

註曰牧監參伍之屬用能所任秩次 坡謂制其職
各以所能則賢與功可得有為而所以作邦國在此
矣

制其貢各以其所有

註曰國之地物所有 坡謂此一節即九灋所謂施
貢分職以任邦國也

王將巡守則戒于四方曰各修平乃守攷乃職事無敢
不敬戒國有大刑

註曰乃猶女也守謂國竟之內職事所當共具

○及王之所行先道帥其屬而巡戒令

註曰先道先由王所從道君前行其前日所戒之令

○王殷國亦如之

註曰殷猶衆也十二歲王若不巡守則六服盡朝謂之殷國其戒四方諸侯與巡守同 疏曰王殷國所在無常或在畿內國城外即為之或向畿外諸侯之國行之故有戒令之事 巡守音狩女音汝竟音境

○土方氏掌土圭之法以致日景

註曰致日景者夏至景尺有五寸冬至景丈三尺其間則日有長短

以土地相宅而建邦國都鄙

註曰土地猶度地知東西南北之深而相其可居者
宅居也 坡謂邦國都鄙兼王國侯邦畿內畿外皆
在焉 相息亮反度待洛反深音諗

以辨土宜土化之灋而授任地者

註曰土宜謂九穀植穉所宜也土化地之輕重糞種
所宜用也任地者載師之屬 疏曰既為土方氏非
直度地相宅亦當相地所宜故須辨之授謂以書作
灋授之 黃文叔曰所謂景短多寒景長多暑景朝

多陰景夕多風土宜土化由是而有其灋焉

王巡守則樹王舍

註曰為之藩羅 疏曰謂若掌舍設桎梏之時則此官亦為王於外周帀樹藩羅

○懷方氏掌來遠方之民致方貢致遠物而送逆之達之以節

註曰遠方之民四夷之民也諭德延譽以來之遠物九州之外無貢灋而至者達民以旌節達貢物以璽

節 坡謂遠方之民非直四夷也自他州而來者皆是遠物非直藩國之貨也凡貿遷有無者皆是上土方既使其有莫居此官主綏懷之令相來往也

治其委積館舍飲食

註曰續食其往來 疏曰案遺人云十里有廬廬有飲食三十里有宿宿有委五十里有市市有積

○合方氏掌達天下之道路

註曰津梁相湊不得陷絕

通其財利

註曰茂遷其有無

同其數器

註曰權衡不得有輕重

壹其度量

註曰尺丈釜鍾不得有大小

除其怨惡

註曰怨惡邦國相侵虐

同其好善

註曰所好所善謂風俗所高尚 坡謂馮弱犯寡則
青之司馬之九伐也以俗教安司徒之十二教也妄
意此官皆柔遠人之事抑文承通財利之後則除其
怨惡者禁土著為孤客患同其好善者彼此地產交
相好善則茂遷者利其息上懷方來遠方之民此官
達其道路以濟不通也懷方致遠物此官為之均平
使樂來往也

○訓方氏掌道四方之政事與其上下之志

註曰道猶言也為王說之四方諸侯也上下君臣也

誦四方之傳道

註曰傳道世世所傳說往古之事也為王誦之若今
論聖德堯舜之道矣 疏曰政事及上下之志知則
向王道未必誦之古昔之善道恒誦之在口王問則
為王誦之

正歲則布而訓四方

註曰布告以教天下使知世所善惡 坡謂四方政
事與上下之志皆有善惡王既知之則布而訓之使
善者知勉惡者知改且以傳道訓之使則古昔

而觀新物

註曰四時於新物出則觀之以知民志所好惡志淫
行辟則當以政教化正之 黃文叔曰布而訓四方
使述其舊美也觀新物察風俗之變也

○形方氏掌制邦國之地域而正其封疆無有華離之

地

註曰華讀為佉哨之佉正之使不佉邪離絕 疏曰
形方氏主知四方土地形勢故使掌作邦國之地域
大小形勢又當正其封疆勿使相侵佉者兩頭寬中
狹邪者一頭寬一頭狹

使小國事大國大國比小國

註曰比猶親也 鄭剛中曰其所以使地不華離者
蓋使小國近大國事之以自立大國近小國比之以

自固然非形方氏制其地形使各相聯屬雖欲使小
大相事相比不相侵其疆場亦不可得也 華音誇
瓜若哇反哨羊售反

○山師掌山林之名辨其物與其利害而頒之于邦國
使致其珍異之物

註曰山林之名與物若岱畎絲枲嶧陽孤桐矣利其
中人用者害毒物及螫噬之蟲獸 疏曰此山師及
下川師原師等皆是遙掌畿外邦國之內山川原隰

之等使出稅珍異以供王家也 畎古犬反嶧音亦

螯音釋

○川師掌川澤之名辨其物與其利害而頒之于邦國
使致其珍異之物

註曰川澤之名與物若泗濱浮磬淮夷蠙珠暨魚澤
之淮蒲 淮音丸

○遼師掌四方之地名辨其丘陵墳衍遼隰之名

註曰地名謂東原大陸之屬

物之可以封邑者

卷十九

註曰物之謂相其土地可以居民立邑 疏曰小司徒云四井為邑據田中千室之邑據城二者皆須物色其善惡然後封民 劉執中曰此謂五等封國之餘地未有邑以管其民者不爾則諸侯吞之矣 可以贊司馬正邦國之封疆 遼同原

○匡人掌達灋則匡邦國而觀其慝使無敢反側以聽王命

註曰灋則八灋八則也邦國之官府都鄙亦用焉愚
姦偽之惡也反側猶背違灋度也書曰無反無側王
道正直

○擇人掌誦王志道國之政事以巡天下之邦國而語
之

註曰道猶言也以王之志與政事諭說諸侯使不迷
惑

使萬民和說而正王面

註曰面猶鄉也使民之心曉而正鄉王 疏曰以上
二事向諸侯說之使諸侯化民而萬民正鄉于王

譚音探語魚據反和說音悅鄉音向

○都司馬掌都之士庶子及其衆庶車馬兵甲之戒令

註曰庶子卿大夫士之子車馬兵甲備軍發卒 疏

曰士適子庶子其支庶若王家有軍事徵兵于采地
都鄙則都司馬以書致於士庶子有此衆庶車馬兵
甲之戒令士庶子受而行之

以國禮掌其政學

政謂軍之賦稅也學修德學道 王次黜白古者國
之子弟無時不知教無處不有學退在學校受教於
司樂大胥諸子進在王所受教於師保氏入而宿衛
有宮伯案其在版者而教之出而守禦有都司馬掌
其政學以教之出入進退教未嘗不行乎其間非若
後世之教止於庠序而庠序之教又為具文

以聽國司馬

註曰聽者受行其所徵為也國司馬大司馬之屬皆是

家司馬亦如之

註曰大夫家臣為司馬者春秋傳曰叔孫氏之司馬

驂辰 驂子公反


坡謂大司馬掌邦政而以兵事為先故凡兵甲車馬之政隸僕御從之官九州邦國之形勝阨塞要害皆屬焉軍無賞士不往凡軍以賞為先故首司勲軍行

以馬故馬質次之軍舍有壘故量人次之小子斬羊
牲徇陳示罰也次之羊人共羊牲又次之繼以司燧
者火政兵事之要也設險守固制勝於未形故掌固
司險掌疆候人次之譏察非常蕭勺羣慝故環人之
察巡挈壺之序櫜又次之射以習戰兵事所急故射
人次之服不射烏羅氏掌畜四職皆因射而及故并
屬之馬司士辨論官材進退爵祿古司馬之遺也抑
朝為卿士大夫軍為將帥司馬師中文人得賢非要

乎而諸子之治國子司右之治戎右皆此意也自是
以下至圍人數十職則詳衛王之政虎賁旅賁夾衛
王車節服方相皆因衛車而及故相次焉大僕小臣
祭僕御僕隸僕王之出入或駟乘或先後皆武衛之
官又次之王車有五路乘車之冕弁各有宜故弁師
次之車中甲兵戈盾弓矢具故司甲司兵司戈盾司
弓矢繕人橐人次之戎右齊右道右為車右者所謂
勇士也大馭戎僕齊僕道僕田僕馭夫御車者所謂

僕夫也馬以駕車次之校人趣馬巫馬牧師廋人圉
師圉人皆掌馬官也然馬質不列此者蓋馬質所給
者軍馬此所共者王馬職掌不同文亦異設宜矣職
方土方懷方合方訓方形方以及山師川師原師匡
人擇人皆所以彙遠人懷諸侯且秉天下之土地形
勢山川林澤原野之險易而遏其僭侈施訓道匡正
之灋以釋其悖心可銷兵於未形止亂於未萌者都
家司馬在食邑采地中故附見焉蓋愚聞於元兄而

推廣其意如此自大司馬至職末為官凡七十



周禮述註卷十九

欽定四庫全書

經部

周禮述註卷二十二

詳校官監察御史_臣施朝幹

刑部郎中_臣許兆椿覆勘

總校官進士_臣朱鈐

校對官員外郎_臣張慎和

謄錄監生_臣王家賓

欽定四庫全書

周禮述註卷二十

安溪李光坡撰

秋官司寇第五

鄭目錄云象秋所立之官寇害也秋者道也如
秋義殺害收聚斂藏於萬物者也天子立司寇
使掌邦刑刑者所以驅邪惡納人於善道也

惟王建國辨方正位體國經野設官分職以為民極乃

立秋官司寇使帥其屬而掌邦禁以佐王刑邦國

註曰禁所以防姦者也刑正人之灋孝經說曰刑者

刑也過出罪施 刑音刑

刑官之屬大司寇卿一人小司寇中大夫二人士師下
大夫四人鄉士上士八人中士十有六人旅下士三十
有二人

註曰士察也主察獄訟之事者鄭司農說以論語曰
柳下惠為士師鄉士主六鄉之獄

府六人史十有二人胥十有二人徒百有二十人

遂士中士十有二人府六人史十有二人胥十有二人
徒百有二十人

註曰遂士主六遂之獄者

○縣士中士三十有二人府八人史十有六人胥十有
六人徒百有六十人

註曰距王城三百里至四百里曰縣縣士主縣之獄

者

○方士中士十有六人府八人史十有六人胥十有六人徒百有六十人

註曰方士主四方都家之獄者

○訝士中士八人府四人史八人胥八人徒八十人

註曰訝迎也士官之迎四方賓客 疏曰案其職云

掌四方之獄訟非直迎賓客以獄訟為主故亦士言之也

○朝士中士六人府三人史六人胥六人徒六十人

註曰朝士主外朝之灋

○司民中士六人府三人史六人胥三人徒三十人

註曰司民主民數

疏曰司民掌登萬民之數凡斷

獄弊訟必須知民年幾老幼是以司民雖非刑獄連

類在此也 訝五嫁反

司刑中士二人府一人史二人胥二人徒二十人

○司刺下士二人府一人史二人徒四人

註曰刺殺也三訊罪定則殺之 劉迎曰刺蓋刺舉

之刺也刺史謂之刺以其掌刺舉故耳訊羣臣謂刺
訊羣吏訊萬民亦謂刺既曰訊矣而又曰刺者訊其
果無罪則刺舉於上而行赦宥也

○司約下士二人府一人史二人徒四人

註曰約言語之約束 薛平仲曰或以司約司盟非
盛世之事遂因以疑周官之書風氣之開久矣使天
下或私相為約私相為盟以紛紛於下孰若設官於
上以司之使不可逾乎盟約不逾則獄訟可息獄訟

可息則刑瀆可措甚矣先王之不得已也

○司盟下士二人府一人史二人徒四人

註曰盟以約辭告神殺牲歃血明著其信也曲禮曰
涖牲曰盟 鄭剛中曰說者見春秋書盟謂為哀世
之事其說出於穀梁所謂盟詛不及三王也考之書
載苗民罔中于信以覆詛盟則五帝之世已有是事
第苗民覆之故數之以為罪也詩云君子屢盟亂是
用長非謂不可盟謂其盟之屢而無信學者不察以

周官太平之書胡為王府有珠盤玉敦之事戎右有
贊牛耳桃茢之文於此又設司盟之官遂信何休戰
國陰謀之說不考之於詩書耳古者結繩足以示信
盟詛雖有而未必用去古稍遠淳厚一散世未嘗皆
君子而無小人皆善良而無冤瑣此司盟之官所由
設 刺千賜反敦音對冤音巍

職金上士二人下士四人府二人史四人胥八人徒八
十人

註曰職主也

○司厲下士二人史一人徒十有二人

註曰犯政為惡曰厲厲士主盜賊之兵器及其奴者

○夫人下士二人府一人史二人賈四人徒十六人

黃文叔曰夫逐盜故以夫人次司厲六牲之官皆以

義類相從如春官雞人掌雞牲而以呼旦序於鬱鬯

之後

○司圉中士六人下士十有二人府三人史六人胥十

有六人徒百有六十人

註曰鄭司農云圜謂圜土也圜土謂獄城也今獄城

圜

○掌囚下士十有二人府六人史十有二人徒百有二十人

註曰囚拘也主拘繫當刑殺之者

○掌戮下士二人史一人徒十有二人

註曰戮猶辱也既斬殺又辱之 賈音嫁

司隸中士二人下士十有二人府五人史十人胥二十人徒二百人

註曰隸給勞辱之役者漢始置司隸亦使將徒治道溝渠之役後稍尊之使主官府及近郡

○罪隸百有二十人

註曰盜賊之家為奴者

○蠻隸百有二十人

註曰征南夷所獲

○閩隸百有二十人

註曰閩南蠻之別

○夷隸百有二十人

註曰征東夷所獲

○貉隸百有二十人

註曰征東北夷所獲凡隸衆矣此其選以為役員其

餘謂之隸民 王次點曰四裔之民南方之蠻而閩

乃東南之別種東方之夷而貉乃東北之聚落獨不見

西戎北狄之隸者蓋自文王時西有昆夷之患北有獫狁之難而道化先被于南至武王通道于九夷八蠻所獲之民其服屬有素故帥而為隸 貉音陌

布憲中士二人下士四人府二人史四人胥四人徒四十人

註曰憲表也主表刑禁者

禁殺戮下士二人史一人徒十有二人

註曰禁殺戮者禁民不得相殺戮

○禁暴氏下士六人史三人胥六人徒六十人

野廬氏下士六人胥十有二人徒百有二十人

註曰廬賓客行道所舍

○蜡氏下士四人徒四十人

註曰蜡骨肉腐臭蠅蟲所蜡也月令曰掩骼埋骹此

官之職也蜡讀如狙司之狙

○雍氏下士二人徒八人

註曰雍謂隄防止水者也

○萍氏下士二人徒八人

註曰萍氏主水禁萍之草無根而浮取名於其不沈溺

○司寤氏下士二人徒八人

註曰寤覺也主夜覺者 蜡音娶雍於用反萍音平
駘更白反埋亡皆反駘似賜反狙七慮反覺音教

司烜氏下士六人徒十有二人

註曰烜火也讀如衛侯燬之燬

○條狼氏下士六人胥六人徒六十人

註曰杜子春云條當為滌器之滌玄謂滌除也狼狼

扈道上

○脩閭氏下士二人史一人徒十有二人

註曰閭謂里門 烜音燬條音滌

冥氏下士二人徒八人

註曰鄭司農云冥讀為冥氏春秋之冥玄謂冥方之

冥以繩縻取禽獸之名 薛平仲曰自脩閭而上

達於布憲之官凡十有一皆先王所以盡乎人也自
冥氏以下至於庭氏之官凡十有二人又先王所以
盡乎物夫大而人之為民害者既革微而物之為民
害者已消則先王之用刑通乎天地之心矣

○庶氏下士一人徒四人

註曰庶讀如藥煮之煮驅除毒蟲之言書不作蠱者
字從聲 劉執中曰毒蠱蠱病人非一種而下士一
人者掌其方書治禁之灋

○穴氏下士一人徒四人

註曰穴搏蟄獸所藏者

○翬氏下士二人徒八人

註曰翬鳥翮也鄭司農云翬讀為翅翼之翅

○柞氏下士八人徒二十人

註曰柞除木之名除木者必先刊剝之鄭司農云柞

讀為音聲喑喑之喑屋窄之窄

○雞氏下士二人徒二十人

註曰書雉或作夷鄭司農云掌殺草故春秋傳曰如
農夫之務去草芟夷蘊崇之又今俗間謂麥下為夷
下言芟夷其麥以其下種禾豆也玄謂雉讀如髴小
兒頭之髴書或作夷此皆剪草也字從類耳月令曰
燒薙行水謂燒所芟草乃水之

○哲族氏下士一人徒二人

註曰鄭司農云哲讀為擗族讀為爵族之族謂巢也
玄謂哲古字從石折聲

金匱要略卷之二十一
○翦氏下士一人徒二人

註曰剪斷滅之言也主除蟲蠹者

○赤友氏下士一人徒二人

註曰赤友猶言赫拔也主除蟲豸自埋者

○螭氏下士一人徒二人

註曰鄭司農云螭讀為蜮蜮蝦蟇也月令曰蜺螭鳴

故曰掌去鼃鼃鼃蝦蟇屬書或為掌去蝦蟇玄謂

螭今御所食蛙也字從虫國聲也蜮乃短狐與

○壺涿氏下士一人徒二人

註曰壺謂瓦鼓涿擊之也

○庭氏下士一人徒二人

註曰庭氏主射妖鳥令國中潔清如庭者也

○銜枚氏下士二人徒八人

註曰銜枚止言語譟譁也枚狀如箸橫銜之為之

結於項冥迷形反庶音煮是音賦柞側百反註暗

竿音同難它計反註髻同碧音摘族蒼獨反友音拔

蝸音國先鄭讀蜮音或涿陟角反又音濁跡七跡反
另直氏反蝦音遐慕音麻螻音樓鼃戶蝸反黽莫辛
反射食亦反踰五高反繡戶卦反

伊耆氏下士一人徒二人

註曰伊耆古王者號始為蜡以息老物此主王者之
齒杖後王識伊耆之舊德而以名官與今姓有伊耆
氏疏曰在此者案其職云掌共杖杖老者所依秋
是長老之方故在此耆巨之反蜡仕詐反

大行人中大夫二人小行人下大夫四人司儀上士八人
中士十有六人行夫下士三十有二人府四人史八人
胥八人徒八十人

註曰行夫主國使之禮

○環人中士四人史四人胥四人徒四十人

註曰環猶圍也主圍賓客任器為之守衛

○象胥每翟上士一人中士二人下士八人徒二十人

註曰通夷狄之言者曰象胥其有才知者也此類之

本名東方曰寄南方曰象西方曰狄鞮北方曰譯今
總名曰象者周之德先致南方也 薛平仲曰大行
人以中大夫二人掌禮之綱小行人以下大夫四人
掌禮之籍威儀煩縟屬之司儀小事纖悉達之行夫
衛其行李以送迎之責之環人及夫五服之外若蕃
國之入見雖不能盡同於中國之禮先王待之又特
建夫象胥之官無所往而不接於禮天下亦何事於
刑禁之防哉

○掌客上士二人下士四人府一人史二人胥二人徒二十人

○掌訝中士八人府二人史四人胥四人徒四十人

註曰訝迎也賓客來主迎之鄭司農云訝讀為跛者訝跛者之訝 知音智鞮丁兮反譯音亦蕃音藩跛波可反

掌交中士八人府二人史四人徒三十有二人

註曰主交通結諸侯之好

○掌察四方中士八人史四人徒十有六人

○掌貨賄下士十有六人史四人徒三十有二人

疏曰在此者蓋督察邦國之事及掌邦國所致貨賄但二官闕不可強言也

朝大夫每國上士二人下士四人府一人史二人庶子八人徒二十人

註曰此王之士也使主都家之國治而命之朝大夫云疏曰庶子者蓋亦主采地之諸子今在府史

之下蓋官長所自辟除也

○都則中士一人下士二人府一人史二人庶子四人
徒八十人

註曰都則主都家之八則者也當言每都如朝大夫
及都司馬云

○都士中士二人下士四人府二人史四人胥四人徒
四十人家士亦如之

註曰都家之士主治都家吏民之獄訟以告方士者

也亦當言每都

周禮述註卷二十